

尊水園集畧

尊水園集畧卷之四

陳鍾英幼仲

德州盧世漣德水著 受教程先貞正夫輯

趙其星仲啓

五言排律

上侯老師

題貞烈于氏

七言排律

哭李泰雲老叔

寄上劉年伯

云云

七夕有會而作

五言絕句

雨中看山雲

醉翁亭

瑯琊寺

廢子泉

止酒

留贈南都諸友

疊韻 二首

疊韻 二首

嗣玄 二首

疊韻 二首

疊韻 二首

湯臣 四首

經夫 二首

千里 四首

贈許遠賓 六首

讀蘇韓二集偶成一絕

仲來舟中見張華東云十首

七言絕句

追贈宋鷺池布衣六首

讀四溟旅人集二首

往返忻代云一首

鹿泉感往二首

古怨四首

與毛經夫閒談

送馬遠之社兄北上 二首

送馬避卿還長水 二首

送叔父謁選 二首

胡嗣玄舉古墨數笏 云

送表弟紀連如鄉試 二首

秋盡過磨盤山 云

假滿入都道 云 四首

春老憶別

贈戴德明

贈吳六吉

贈吳郎

留別長干主僧孚一

雨花小僧

云

送宋外臣葵

四首

壬戌下第棲遲都門

云

蘭答問

記得

清夜讀韓子志感

敝柱為六絕句 六首

讀書偶有所窺快甚當下呈幼輿

偶在一處看牯骨竟日

客有寫梅花

云

送毛經夫還山 用前韻

再用前韻送吳六吉

賦得將船買酒白雲邊

有序二首

張明席自海上

云二首

送陳實菴使東粵 一首

淵明述酒云

云

云

漫興二首

承黃東厓

云

云

先是畫扇齋

云

祈寒之朝

云

云

送張老還雲間

有序

夕旦偶吟十首

疇昔之夜

云

云

讀正夫南遊草賦贈

六首

正夫家藏思陵石墨

云

云

次我聞大士中秋題杜亭韻

再和我聞元韻

杜亭中秋我聞高唱

云

九月二日南村老人

云

云

六首

偶賦六絕

云

云

不見牡丹久矣

云

云

寄懷徐元歎

三首

酒坐聞箏

二首

尊水園集

卷四

贈馬德襄二首

留別平原親友四首

尊水園集畧卷之四

五言排律

上侯老師

當代侯夫子周南太史公承家居大業憂國蘊深
衷青鬢風生座丹心日麗空披襟遊浩蕩脫屣出
樊籠結束期登岱安排好佳嵩蕭齋含古雪綺榭
散晴虹篋底詩千首山河挂一叢臨池驚鬼哭揆
藻敵神工大雅追前輩精微啓後蒙河干迎綵鷁
天際送冥鴻愧我悠悠者欣叨濟濟中門牆容負

笈音驛望裁筒得已方為貴尊師豈畏窮相思恒
湛湛遠道託江楓

題貞烈于氏

卓絕高家婦乾坤至性鍾甘心殉厚夜冽氣逼深
冬同穴誠為快投繯不是凶人皆悲激楚吾獨羨
從容頸帛孤星纏腰麻朗月縫綱常因爾真女史
記功崇

七言排律

哭李泰雲老叔

生死論交有歲年今朝揮淚問蒼天悲涼吾黨思
前事錯莫人倫失古賢泰岱雲收餘賦草小山桂
老罷詩篇清真寡欲如元澹博雅多才似鄭虔行
業推尊高士里聲稱藉甚孝廉船飄蕭白髮青衫
映窈窕玄心綠字詮十上公車神却王重磨老劍
氣彌鮮正期結撰藏名岳何遽乘箕逐逝川繫我
孤踪常冷落先生折節獨周旋會文探討偏尋險
放酒頽唐恰愛顛行輩不拘時爾汝襟懷相賞共
餐眠看花直就花茵坐喜雨頻將雨具牽側理隄

廉將一萬洪酣小醉約三千而今而後誰同趣馬
策西州只惘然

寄上劉年伯時文石兄有權關之命迎養潯
陽

山川自昔記宜都浩氣鍾為君子儒漢上社開推
祭酒郢中書就號潛夫休心正賴名緣淺樂志偏
探道味腴慷慨高雲飛雪巘清真朗月貯冰壺當
窓攬結三湘秀發篋披陳五岳圖經術向來摧鹿
角衣冠此日秉魚鬚大人利見丘園賁令器前驅

秋發娛画舫錦帆湓浦去爐峰煙潤有馥

七夕有會而作

連日雨

靈匹從來未易論同心今夕一開罇河橋雨濕經
年夢閣榭雲涼累日奔恰喜相逢方動魄偏愁送
別又銷魂坐中有客吹蘭芷此外何人擅蕙蓀香
散綺窓添晚靄光含羅袂代朝暾細條瓊縷穿針
孔淨洗冰壺貯淚痕標格入微常穆穆氤氲無象
只昏昏良宵佳會堪題句錦瑟吟成體似崑

五言絕句

雨中看山雲

白雲雨際生
靉靆沿山泊
山意欲留雲
煙嵐相酬酢

醉翁亭

昔僧曰智僊
小築延山翠
六一為安名
至今猶香醉

瑯琊寺

虛谷盤微逕
林端出殿廊
森沈多暝色
山氣動衣裳

庶子泉

山開自晉帝疏淪在唐年古意生來好裴徊庶子泉

止酒

高人復喜酒首舉陶夫子彼亦有成言今朝真止矣

留贈南都諸友

執手野踟躕昔人此語苦襍被別良朋朔風動江浦

疊韻

新詩仔細看誰會君甘苦王維集輞川李白歌秋浦

讀君制舉文一讀再三想王錢吾師乎許爾嗣其響

疊韻

貞人不受憐志士多遐想反舌久無聲中林來悅響

贈我以排律微言幾半千洞開群玉府筆墨浩如

煙

詞

雨雪工留客臨岐緒萬千試看江上棹處處起離煙

天下有心人語言不浪吐脉脉視刀環淺深問肺臍

涼雨積如山玄雲莽不色藉斯緩客程惆悵情何極

疊韻

錦文織九州卷舒雲五色筆端湧若耶河漢渺無極

古云德不孤若形之與影資君為範模能暇又能整

湯臣

遊子理衣裳上有浮雲影欲別別更難意思散不整

秉燭屢成遊不須煩折簡披襟脫屣時相視青雙眼

不遊遊俠場不喜作吳語南北共東西孤雲為伴
侶

鬚眉光可鑒戰勝果然肥相逢一盡醉銷盡無窮
機

經夫

浩浩紅塵裏天山遯正肥無端抱甕犬破口說忘
機

密晤晴簷雨閒談暮接朝朝朝還暮暮寒影逗征
輶

千里

一接鄭居士
令人生遠心
欲知玄會處
明月照深林

秋水淨襟期
清空不盪滯
神力出維摩
煙雲為供養

宛爾豐年玉
還如而上肩
數甌香雪茗
一帙詠懷詩

谷口有子真
天鄰有千里
姓同道復同
冷然銷吝

解

贈許遠賓

聞道箕山客沉冥不事堯朋來成一醉把玩舊時瓢

多材多藝身寄頓在林水御辨而乘遊庾桑熟畏疊

鴛鴦爭繡看金針那可度布袍四十年泛泛在行路

清標含至性君是古時人認得天倫厚方能樂賤貧

煙霞十指生枝也志於道富貴如浮雲丹青不知
老

武仲耽山褐能從叔度遊適同不佞飲一夕足千
秋

讀蘇韓二集偶成一絕

昌黎祭田橫東坡誌朱亥兩公一片心遙遙寄千
載

仲來舟中見張華東太老師十絕句以杜詩
落日放船好風輕生浪遲為韻亦如韻賦之

併呈仲來

衝暑理歸舟既登旋欲泊安得嫩涼生或云待日
落

舟途無外事朝暮僧為匹洗眼讀南華一篇支一

日

京師塵汚人今日始銷放開窓領遠風月出來漁
唱

清波足蕩漾况是可人船

船為吾友仲來讀書舫特遣迎予

擊檝

平生意

仲來刻有擊檝篇

乘槎直上天

仲來自顏舫曰浮槎

行路暑尤難臨流暑亦好虛舟萬斛涼宜晚兼宜早

歡笑秋云立

是日立秋

從今美好風白鷗多靜意相對

信天翁

自撰輕舟好何須津吏迎圖書三篋滿卧起一身輕

禾黍可憐色時思急雨傾榜人急擁棹共指暮雲生

南訖秋尚稚水澁不成浪無計避煩蒸盈盈候月

上

家鄉行在望道路敢嫌遲
所惜同舟子挽牽亦已疲

七言絕句

追贈宋鷺池布衣

湖海元龍舊釣磯
生來性格不輕肥
詞場間氣斯人在
愛爾中山老布衣

天馬縱橫脫絡機
高高黃鵠貼雲飛
雄心只是難磨耗
儒俠禪玄不定歸

榜伽繁肘醉中看綠玉紅藤紫籜冠萬壑清冰千尺雪食魚久已笑馮驩

真懷汗漫與天遊杖屨迢迢半九州到處生涯惟爛醉琵琶錦瑟間箜篌

老氣昂藏未易平獨持罇酒吊田橫

翁有句云還餘一罇酒東

海吊四周板內嬾拘束

翁未嘗海時即向人曰大我決不做四周板中人

海為棺太曼生

細讀遺編意味醅道微大雅竟誰陳三年一葉心良苦高處全疑是古人

讀四溟旅人集

謝客名榛字茂秦不衫不履不冠巾李王呼作眇
君子歷落欽寄可笑人

生死研成詩數章頽然不減牧皮狂解言老破當

年夢

謝有句云老破當年夢秋生大客心

燕市王門總戲場

往返忻代間偶驛亭小憇即循牆遠壁覓見
泉先生詩讀之詩品雅潔居然唐音夫誦其
詩不知其人可乎是以論其世也

每於郵壁見題名風雅原從熱血生墨氣稜稜光

不散一番拂拭眼偏明

當年大力破因仍三晉陶為一片冰東吏如繩心
似水憂民惟有魏中丞

循牆古道照人顏詩史高懸未易刪句裏行間香
自發沅風百世可廉頑

鹿泉感往

土門隘口畫冥冥一髮孤懸入井陘聞說淮陰從
此進至今祠字篆煙青

餘耳初年刎頸親凶終即是舊張陳莫言時輩交

情短薄倖原來是古人

古愁

玉瘦釵寒怯鬢霜追思十五娉王昌前溪子夜供
歌舞矜寵盈盈入畫堂

閒來遶屋只徬徨鷓鴣呻吟草不芳自厭為人心
太淺羞將兩意怨檀郎

強自開懷莫斷腸無端太息又神傷芙蓉黯淡江
皋老斜日空堦數鴈行

海燕巢迷舊日堂歌殘白紵罷薰香遠天明月深

深照風動羅幃分外涼

與毛經夫閒談

九州之外又名州萬里風生十二樓索隱探奇須
到此黃河一線貼天流

送馬遠之社兄北上

十年磨劒雪霜封斗斗時時紫氣衝脫匣相看光
若水倚天飛海戲神龍

草綠河渾鳥亂飛盈盈画舸載清暉臨分無物堪
持贈祇候心空及第歸

送馬遜卿還長水

冥冥花樹攪離思，正是清明左近時。
馬上春衫輕軟甚，征途迢遞好題詩。

黃鵠翩然天際翔，無多行李不塵囂。
贈君一片平原月，携去當湖醉綠濤。

送叔父謁選

落落才名五十年，娥眉老盡不成妍。
子平尚有人間事，聊寄微官當硯田。

悠然客路入高空，鴈影雲痕木葉中。
燕市到時秋

已凜一罇清醪與誰同

胡嗣亨舉古墨數笏見贈侑之以詩自云此
墨藏諸囊中幾三十年依韻報謝

大海纔分蠶繭餘玄光常護子雲居知君匡坐摩
挲處讀盡三墳八索書

送表弟紀連如鄉試

篋內陰符練墨兵揣摩已就任縱橫濟南百石運
花釀盡取秋高醉鹿鳴

明湖古淡足開襟泉上車輪湧畫陰青錦芙蓉華

不注統期榜後一相尋

秋盡過磨盤山至大柳驛早飯偶雨一陣

磨盤山上度輕輿曲折周旋一眺虛行盡荒岡來
古驛晨光小雨似春初

假滿入都道出新泰晤湯惟一明府一見如
故因請其西山別草讀之喟然嘆曰有如此
才竟欠一第乎即不朽者自在而遇則畜矣
欣賞之餘繼以感慨既定文章之有品又嗟
文章之無權乃作歌以遺惟一併頌惟一相

知契者覽焉

詳觀刖草沉吟久莽莽荒途某在斯始信文章千
古事擊壺高唱少陵詩

梳洗傾城服太奇獨標真色闔娥眉中懷隱約何
人會翠袖天寒倚竹時

數墨尋行儘足嬉倚天拔地欲何為芙蓉匣閤吳
鴻老試問風胡可是誰

冷冷山水出朱絲苦調希聲易見疑莫訝琴心灰
懶甚黃金何處鑄鍾期

春老憶別

多謝深深幾樹霞
春餘好在護孤花
難忘七聖堂前路
車馬參差日影斜

贈戴德明

精神全副大於身
負笈從師意獨真
趙至昔隨嵇叔夜
原來世不乏奇人

贈吳六吉

西江草色憶王孫
生得風標比玉溫
靜對令人浮氣盡
怪君年少似耆尊

贈吳郎

吳郎天縱光岩穴絕技入神祇自悅一醉一石零
五斗不阡不陌真奇絕

留別長干主僧孚一

長干人地足風流愛爾能詩似惠休別後暮雲千
里合相思常遠石城頭

雨花小僧無從徒步送余至江浦口號與別
併寄長干諸友

依人飛鳥動人憐江上煙波日暮天回首金陵知

已在離懷因爾又綿綿

送宋外臣葬

淒斷山陽笛裏秋今朝埋玉更成愁文人無後真
死矣手藁縱橫若箇收

古意滛思迷迭香祇今誰似宋家狂公榮玄度俱
堪念對酒臨風不盡傷

這番老淚又酸辛公子當年是可人白布纏棺蒿
里曲行看塚上起秋塵

同社荒涼異往時空齋獨寫哭君詩夜臺平子如

相見

社長夏平子先生先
數年卒與余尤善

為我傳聲一問之

壬戌下第棲遲都門寓城外一委巷中銷聲
抱影不與一人相聞獨望峯老僧數來慰藉
偶寫一詩與之大抵皆蕭騷語及余還日特
過歸義寺與老人作別老人已先之蘆溝候
送矣停車握手而前詩出諸袖中余再一披
尋始覺其出韻因口占一絕用表望峯古德
且以自笑不知而作之也

耐八窮交屬老師直從世外訂相思蘆溝道上殷

勤別呈我牢愁出韻詩

蘭答問

靜坐微聞蘭太息肅然起立密詢渠答云薄命偏
當戶歛氣收香一任鋤

記得

幽幽暮雨咽秦箏記得當年此夜聲一自與郎燈
下別至今淚眼不曾晴

清夜讀韓子志感

生來孤冷世情稀曾向陰符問殺機自怪此心終

不歇白頭燈下讀韓非

倣杜為六絕句

弇州歷下文章好別出臨川燈一枝猶有人焉徐
渭在逼真史漢又工詩

苦愛虞山錢受之兩場墨義冠當時間觀古作尤
冲雅安得執鞭一問奇

雲杜文宗李本寧大官厨內五侯鯖平齋直叙能
條貫傳記題辭墓誌銘

乾辣尖酸鍾伯敬依稀出土鳳凰釵其人既往書

行世我所耽今在史懷

沼水詩人白礪甫吟成山鬼哭秋墳一生任性真

窮死此語得之我友云

劉簡齋先生曾向我稱說礪甫如是如是

遐想高人潘雪松天然清水出芙蓉幾回細把遺編讀雪氣松心夏亦冬

讀書偶有所窺快甚當下呈幻輿

常恨古人不見我我今開卷見其人心髓挾來憑眼力相看彼此俱精神

偶在一處看牡丹竟日

集
疑香濃豔割明霞一見徘徊至日斜
暝色含煙九
戀客沉香亭子是誰家

客有寫梅花為范質公先生壽者敬附鄙句
就正

鐵骨冰心對玉壺
踈踈影子月明孤
瀾園雪後通
春問一幅先生行樂圖

送毛經夫還山

用前韻

高士歸與隱一壺
蕭蕭鶴影共雲孤
囊空如水還
長嘯自寶直形五岳圖

再用前韻送其六志

贈六吉於卜居秦淮

萬壑清冰捧玉壺對君如月令人孤秣陵到日剛
逢臘曲曲秦淮展畫圖

賦得將船買酒白雲邊

門人謝生白因余酒盡特乘一艇子往清源
尋購老醞隨行止一僕夫隨身一冊一硯而
已余極愛其溪壑清迥有塵外之意因賦得
將船買酒白雲邊屬其尚友古人云

買舟問水水盈盈帆影牽雲自在行偏是高人多

逸趣旁求雪乳壽先生

濁醪妙理賦堪題此公朋來有醉泥至少也須沽
十甕深深貯我杜亭西

張明席自海上以家機山繭緇見貽賦此稱
謝併志近況

山容收身號繭翁喜君衣信趣微同一千里外三
年約多少情懷舊雨中

疵_或何堪擬醉翁蒼顏白髮畧相同狂歌側弁披
山繭潦倒春隨杖屨中

送陳實菴使東粵

誰將素魄濯冰壺濟北閩南德不孤
一帙新詩三百首從來俗氣到君無

相如擁傳出燕京留得文章觸眼明
此去綳囊多古色羅浮山亘五羊城

淵明述酒云舊注儀狄造酒杜康潤色之余
愛潤色二字下得妙因衍為兩句又牽連陶
劉李三君子遂成半律

天生儀老為神物杜氏從而潤色之千載風流歸

五柳劉伶李白是吾師

漫興

涼州一斗古葡萄
恰配迎霜兩巨螯
暮景生涯惟此是
誰能辛苦讀離騷

韶濩雲山破寂寥
醉看花影睡聞簫
神仙只在人間世
一笑重逢郭四朝

承黃東厓先生為余作傳謹題四句

讀公文字似參禪
筆氣飄飄又欲仙
愧我酒徒當不起
顏唐依舊枕書眠

重改畫扇齋

向背乘除以意裁半間小屋喜重開此番妥帖無
遺恨卒歲優游賦二哉

先是畫扇齋止有北戶與東窓雖暑氣不侵
尚屬悶局偶瞞足茶餘徘徊良久曰得之矣
遂于南壁外拓數尺地洗其積土樹以短垣
為待月受風之所乃塞舊窓開新戶南北相
通深靚虛明即一間屋而有數間之勢洒然
如煩疴去體老人樂焉因次前韻再賦一章

身在何妨件件乖平生布襪與青鞋稍煩泥水乘
除役明月清風又一齋

祈寒之朝蒙魯詹二哥以羊羔酒見貺一飲
到臍頽然自得遂成口號用荅來美併寄老
懷

酒到羊羔分外親扶衰煖老及清晨空心無限休
休意多謝良朋餉好春

自笑頽唐老病身梅花紙帳卧山民淺斟低唱關
何事獨酌寬杯正快人

送張老還雲間

張老號承山松江人也年近七旬髮鬚皓白
面目英偉一日執榼承飲過余旅舍對酌五
十大杯始微醺而議論明徹可聽自言少時
喜冶遊幾蕩厥產性復好武在行間數載功
漏不叙遂棄而為渺莽之遊酒中脫衣示余
刀痕箭疤歷歷也居京師幾二十年高門懸
簿一切不入時出橐中餘金市雜貨營什一
自給少饒則呼酒伴盡興歌呼如是而已終

不一諸貴人門也承山與余初見如舊相識
杯合氣熱脫手謂余曰我不能再見公公亦
不必報我即此告别明日行矣余灑然異之
即席賦七言絕句詩相送承山大笑袖之而
去時壬戌歲也屈指到今計承山年已逾九
十雲間老仙未知在否余亦宣髮素領耳四
年即六十人世不堪把玩若此因錄舊作以
志俯仰領承山來會者為故人唐西亭西亭
姑蘇人酒徒也即壬戌年棄世其風神猶

約畧可想云癸未臘月南村補序

高情俠氣老難降
酒趣空融更少雙
張翰思歸留不住
徑從潞水下松江

夕旦偶吟

乙丙之交除夕元旦意興頗屬偶一涉筆得
口號十首不阡不陌似詩非詩人苦不自知
以小根下士作超佛越祖之談將為有識者
笑至齒冷然既言所欲言亦不暇顧矣時年
五十有九

亘古何嘗有酒人濁賢清聖一堆塵終須神禹能
知味得髓離形妙在嗔

不勞擬議已圓成大塊文章潑眼明數墨尋行剛
與畫伏羲元是鈍書生

郭隗當年用意純甘充死馬自呈身招賢謀國誰
能會叔季重逢古大臣

雕章繪句費精神累子曾無半字真垓下大風衝
口出始知劉項是詞人

白頭吟藁迴環讀山雪排空月出雲簡斥錢刀重

意氣女中誰似卓文君

旦晝枯亡夜夢煎片時無夢即悠然從今揀取逍

遙夢一夜便應抵一年

年來惡夢紛紜其苦更倍于晝獨除夕一夜無夢休

如也遂欲從此遠離夢想然其境甚難擬選好夢看千分夜做之庶几有夢而無夢乎夜氣既清晝復如是古人謂日午三更非日能之願學焉罪過罪過

小窓忽動一稜青雪氣森森默度扃開戶已成三

尺白雞鳴寂歷正堪聽

徹夜大雪十年來所未有

老蘧千載剩音微寡過功夫妙入微嗟我粗頑醫

不得平平五十九年非

忿慙如山鐵裹團誰能懲窒洗天機忽然透得真
消息大火元來是水妃

弄丸舞劍亦能天枯管生花詎偶然丹竈不須談
火候文心空處是真仙

疇昔之夜臨邑邢子愿先生入夢周旋良久
談讌甚洽酒中出古畫古墨相欣賞臨分拜
別先生執手向余曰寒食相會覺而歷歷分
明儼然未散因思先生修文地下久矣或者
夜臺寂寞欲得一同鄉同調之人開懷談藝

乎何謬及于小子小子羞澁特甚抑又求之
不得乃逡巡未果詩以記之

犁丘老子久升仙夢裏從遊在眼前寒食清明都
過了不知赴約在何年

讀正夫南遊草賦贈

才氣縱橫易涉囂誰從柔淡發清謠蟻封曲處工
盤馬猿臂當場慣射鵰

平原雪乳勝葡萄有客尋君把蟹螯且度醉鄉間
日月任他雙鬢自蕭騷

虞姬墳墓草痕消更向淮陰覓舊橋
祠號露筋留烈氣古魂一一待君招

豐樂亭中賦興高玻璃泉上正揮毫
好山好水經行遍果爾詩成得繡袍

煙月維揚久寂寥玉人天遠罷吹簫
知君不肯留佳句怕說隋唐及六朝

一秋晴雨伴征輶到處名流折簡招
即以詩爲遊覽志病夫得此慰無聊

正夫家藏思陵石墨錢牧齋先生題詩其上

余次韻奉和

石墨鐫華蘊寶香
虞山短詠動寒光
可憐雲漢成煙霧
淒斷銀鈎四十行

次我聞大士中秋題杜亭韻

離離秋色到疎桐
屋老堦荒月正中
一自真人題句後
長留墨氣度仙風

再和我聞元韻

青蓮秋色老梧桐
千古文章五字中
獨有河東能續古
蒙端蘭雪灑清風

杜亭中秋我聞高唱魯翁正夫賡和至再余
主人也不敢不勉

采藥真君舊姓桐相携仙伴到亭中比隣詩客知
消息數幅魚牋送惠風

九月二日南村老人為其元配謝安人經營
葬地往返百里雜有所觸賦絕句六首

次唐人韻

穉麥青青覆九河不聞漁唱但樵歌新墳舊岸悲

人代衰草連雲分外多

此地有數河迴繞其來久遠無水而潤植麥最嘉土

人謂為九龍窩非禹貢之九河也

金堂人遠隔秋河海燕雙棲不忍歌無待哭砧相
償送蕭蕭木葉自然多

白鴈迎霜渡曉河誰憐老去怯商歌一杯濁酒揮
清淚只為人亡歲月多

先荆沒十五年矣

傷懷真欲淚成河聊復擊壺唱短歌最是柳州無
費語區區誌草不爭多

余作安人墓誌虞山牧翁謂簡古直逼子厚覺李北

地誌左宜人為煩

憑高凝睇出重河雲水相參帶權歌風景似隨流
水變涼煙迥比向來多

是日上百尺樓者二扶掖登頓極目騁望

風日無端並過河從來損性是悲歌忽然破涕掀
髯笑戶大何辭酒債多

偶賦六絕正夫以兩絕相贈又賦一絕以報
之

鴈迷寒霧下空河誰識微吟是挽歌賴有高才程
伯子古人八斗未為多

不見牡丹久矣正夫忽以一朶相贈貽蕩曹
盈幾于姚魏喜而賦此

三年不見牡丹花何處飛來一片霞夜染朝酣真

足樂多承我友折瑤華

寄懷徐元歎

江南才子許誰倫老去徐卿日益貧
詩卷酒杯陶寫外關情恒在楚中人

鍾素兄弟

循陔奉母樂天倫勁骨從來不畏貧
萬壑清冰三逕草南州孺子是斯人

共言衛尉齊奴富幾道諸生原憲貧
鄧尉山中高隱客謚簫堂裏著書人

酒坐聞箏

五岳塞胸未易平一杯空水失崢嶸白頭爛醉無
餘想漫向尊前聽艷箏

老懷分付與鳴箏簇錦攢花另是聲第一莫嫌繁
及慢美人手語最關情

贈馬德襄

清才奧學出群英百務玲瓏指掌明湖海幾迴搜
俊異誰知吾郡有君平

博貫天人道術成妙年風慧魯諸生易林千載推
焦氏今日玄關屬馬卿

留別平原親友

為愛平原酒一卮消磨日月遂多時
即今欲向家園去眷眷翻難別故知

解帶披襟更不疑冰壺朗月訂心期
鴻泥爪跡誠虛幻聊復臨風一認之

到處逢迎自亦疑頽然樗散有何奇
元來却愛南村笨混沌蛾眉分外宜

客舍蒼茫又一時行行且止重相思
當年蘇李曾惆悵留得河梁錄別詩

尊水園集畧卷之五目錄

程先貞正夫

德州盧世澐德才著 受教李源星來輯

趙其星仲啓

奏疏 視漕存稿

請給敕印疏

彙報閭過水次情形疏

議脩河流淤淺疏

田空作蘖并糾弱職把總河官疏

乞復防運兵將疏

具列搜幫行法二議疏

叅湖廣廬河汝州等處漕糧完欠疏

認罪疏

請急催漕負疏

乞專委道臣督白糧疏

叅回空私載客貨疏

請勘武城縣令疏

乞就便銓補漕儲道疏

奏濟寧河定興疏

陳河道情形疏

積運難前請罪疏

河臣宜急本務疏

報開湖濟運疏

察報運艘的耗疏

遵旨認限疏

再報認限疏

報漕白糧米抵通疏

葬白糧解戶奸詐疏

告病疏

繳救印疏

尊水園集畧卷之五

奏疏 視漕存稿

請給勅印疏

為請給勅印以便早籌新運併陳目前急著仰祈
聖鑒事竊惟國計莫大於漕時務莫急於漕臣於
本月二十一日奉旨差往饋運夫味饋之一字固
有片念不可遐逸頃刻不容悠忽者矣受命以來
中懷屏營不遑啓處因憶在昔漕政敝壞不堪自
皇上御極以來威靈變化轉遲為速令人耳目頓

易心志都靈節年抵壩即少有先後之不同大約
無敢有愆期者臣祇奉新綸益深惶悚恨不即刻
就道以效驅馳例有應領勅印伏乞聖明注意全
漕勅下該衙門即准頒給臣得銜命而前星夜受
事萬一北風凌飈河水流澌即竭蹶南征其何能
濟此臣所齎沐迫切而請者也至漕中事故正自
多端其當剔當釐當補當救容臣身到眼見細勘
清查據實上聞不時入告乃目前第一急著在催
回空是明年新運張本不可須臾緩者試問催空

何人則十三把總是矣然而統之者臣也如回空
遷延則治把總如把總玩忽則治臣臣雖至愚詎
肯以一官徇一總是在諸總凜凜孜孜自為計耳
頃臣同官詹時雨建議欲廢把總蓋有激乎其言
之也臣以為與其驟而廢之不若嚴而存之且嚴
把總乃所以嚴運官嚴運官乃所以嚴旗水引繩
批根絲絲入扣天下事有仍舊而鼎新者此是也
抑臣之盟心者素矣矧是役尤不宜避勞不宜避
怨使有一毫便身家之念即為負朝廷使有一毫

顧朋友之心即為斯君父竭頂踵破情面實做速
做萬萬不敢遺皇上宵旰之憂斯則臣所自懋者
耳可勝懇激待命之至

彙報閱過水次情形疏

為遵途南邁敬將閱過水次情形據實上聞仰祈
聖斷事夫軍以糧為命漕以來為主臣奉命饋漕
斯其本義自楊村登舟一路趕空行至德州法當
問采臣德人也不敢傍城徑泊舟次訪諸北偏而
聞之北偏者古廢也舉濟南府屬二十七州縣之

糴具為初聞開徵久矣不知白粲之委積者奚
若既系而寥寥不成景象除二十二州縣無一人
一才外見在者僅五縣而已就五縣中樂陵獨完
最可異者則莫若利津正官不來糧官稱病止著
一二胥棍搪塞支吾聲言好米及取米面視則穀
也非米也臣即將胥棍細打不覺作而嘆曰此足
覘利津之秕政矣使少一宿心豈至自欺欺人指
穀為米糴官王國昌所當責斥縣官張鑑所當重
懲者也臣為此懼面語糧儲道程世培動色相戒

謂此時當萬分着緊不可一毫放鬆道臣唯唯從
茲想不遺餘力源源而來矣然當日情形真實如
此臣在皇上前不敢隱也是日即解纜至四女寺
則恩縣之水次在焉已而至渡口驛則夏津之水
次在焉倉口俱廓然虛大畧如德州之北廠間闕
至臨清舍舟而陸直趨小灘向來全豫之糧俱貯
茲起運近奉旨改水次於大名然而見糧仍貯於
此故臣即就小灘聞之途經臨關亦一水次也而
本縣之糧已完七分矣又經冠縣而本縣之糧

全完矣遂至小灘而修搜粟之政大約開徵比往
歲較遲糧至比往歲較少首開開封而鄆陵陽武
原武齔粒俱無乃鄆城尤令人髮指鄆城額糧二
千五百三十六石止完六百一十石尚欠一千九
百二十六石且舉買米吏書與押買皂快茫無踪
影止着一最猾之胥曰張兒知者奮其油舌往復
抵當臣大嚼而痛責之復見諸人累累跪於階下
者曰此買米富戶也臣諱察之非富戶也特田家
之粗不凍餒者耳該縣強與之銀暗令暗補此曹

不惟不會買抑且不能買臣呼而面語皆叩頭淚
下若郾城者可謂舉催科撫字而失之矣臣不知
知縣李振聲何以爲民父母也衛輝一府竟無一
人至者歸德止完一半懷慶彰德指日可完惟河
南府汝州則大費商量矣河汝之糧爲數十萬八
百有餘居全豫三分之一乃止完一萬三千二百
六十石所欠將近九萬問之管糧同知陳敷復曰
萬萬不能完其詞甚決及細訊糧儲道臣劉士璉
詳曰難完臣始徬徨不知所出矣是必勅下該省

撫按徹底清查明白不告而後可臣司漕省也止
知問米不知其他役竣東行次莘縣問其糴曰完
矣是夕接兗州府推官李恪揭帖開列甚明犁然
可觀大約謂所屬額米勒限三五日即可報完惟
滕縣嶧縣城武三處累次嚴催抗玩不報夫漕糧
關係軍需何等重大而能堪此三縣之抗玩乎恭
祈勅下該部與利津鄆城一併嚴懲以為各屬後
倣可也遂巡至張秋復理舟楫張秋者又一水次
也舉濮州觀城范縣朝城壽張陽穀等畢會於此

問其糧俱曰完訖夫據臣身所閱歷北運約畧已
在目中過此以往則料理南運矣南運頭緒尤多
容臣竭力傾心嗣續入告伏懇聖明立賜施行臣
不勝悚惕待命之至

議脩河流澁淺疏

為敬陳躬歷水程目見河流淺澁急議脩治以濟
新漕事竊惟漕為國家之命脉而河尤漕輓之司
命臣銜命星馳乘舟南發督催回空遍閱河道縣
楊村以至桑園時時有淺處處有淺然猶未甚也

從蔡園至臨清則不可言矣以一帶水程約四百
里中間老淺新淺不可勝數淤沙填塞分歧成渚
漫流僅於盈尺乎沙絕乎見底臣初視詫異轉復
駭懼空舟尚且滯閣倘重艘駢臻詎能憑空徑渡
乎一望沙洲絕乎平陸縱發水亦難蓄貯况無水
乎此河道窮極變通之會也不乘此時肆力大挑
徹底疏濬僅循往例草草了事縱日疲河卒廣費
金錢何益查得濟南萊蕪等府州縣屬泉源二百
餘處匯為汶流故宋尚書白老人挽之以濟漕功

最奇利最溥歲遠泉湮有名無實泉司之不問泉
久矣近日工部主事臣丁汝驥始廣尋細搜洗出
源頭臣至南旺見流水有瀾雖一秋乾旱而盈盈
自若此濬泉之明驗也從斯時時洗發源潔流長
何至聽命於不可憑之雨澤而以國儲為徼倖乎
抑臣又有慮焉臣過桑園即見河之西旁煞壩逼
水直至臨清其壩不下數十間其故蓋因今秋糧
艘轉運維艱不得已設此權宜之術聊以濟急其
實無補於河非徒無補而又害之目今土草堆積

塞滌河腹又椿木森列為河中之釘昨白糧船即
有罹患者矣來歲重運其梗礙何可勝言臣已面
令武德道臣許成章檄沿河官吏立刻拔去乃迄
今尚泄泄也祇緣當事者徒惜已往之小費而頓
忘向後之大憂仰乞嚴綸遍諭河官盡行清楚於
漕始便臣敢因急議脩治而併及之惟皇上裁決
施行

田空作蘄并糾溺職把總河官疏
為田空作蘄據實直陳併糾溺職把總河官以肅

漕紀事臣奉命星馳嚴飭催空舟次臨濟聞南昌
等幫時衆囂凌放火劫掠前月十八日已具疏題
報竊以不舍晝夜空船悉皆鱗次南下矣及抵夏
鎮停泊擁背河道為之盡塞臣於夜分驟值之如
雲屯鳥聚莫可端倪遂特委都司周建勲岸行馳
探回報云自夏鎮迤南前抵宿遷擁塞四千餘艘
綿亘三百餘里將閱月矣細訊其故悉繇河道淤
淺舟膠不前八閘中其實無水至臺莊馬湖彭口
赤山大泛張莊閘處處淺阻兼以旗軍柁水攬柴

梨棗醃猪麻餅黃豆客貨滿船益復重滯居先阻
壘惟南昌幫作俑群處既久肆行盜劫在馬莊集
波上縣等處殺官劫財除已被叅將古道行率兵
捉獲賊衆贓件歷歷可據外沿河居民多遭焚掠
且蕪杭兩幫互相戕鬪舉水濱化而為戰場此臣
得之躬歷耳目極真者不敢不以實告假使河道
洪深彼亦安能借口沔河通判徐汝燁之罪不容
辭矣更可異者各把總奉旨押催空船直待衆艘
鱗集不前勢難掩覆始請臣舟次臣厲聲責之唯

唯而已而江西總蔣國光則不知下落聞臣坐守
夏鎮蠟法急催始來一見煌煌明旨竟寘罔聞臣
為此寢食俱廢嚴督河官亦頗知懼乃決沂山湖
引水入河諸艘始次第前進臣得淮登陸抵鳳泗
恭謁陵寢紆迴道路將近旬餘及次楊州而西空
之過淮者已六千餘隻可屈指盡赴水次矣臣今
已渡江抵鎮回想諸艘之擁擠夏鎮聞者猶自寒
心另有專疏具條理仰祈勅下該部將把總蔣
國先河官徐汝燁嚴懲以勵其餘庶人盡知警而

有裨于河漕者不淺矣臣可任惶懼待命之至

乞復防運兵將疏

為救敝貴在維新靖漕乃以速運謹陳一得用保
萬全事竊見今之漕卒驕橫貪殘極矣長此安窮
為憂方大是必尋一震攝消彌之方而後可因思
舊制設有漕運總兵寓意良深亦有建議欲復之
者臣愚以為欲復舊制必遣勲臣必宿重兵事體
迂大無濟於急且時詘舉羸瘠難辦此一項錢料
臣查得濟寧有見兵三千坐食無所事事又淮安

有額兵數千就此中只挑選三千便成銳旅可掄
一員真正將官不拘總兵副將叅遊令其管轄統
領與總漕互為聲援候新運將動即渡江迎運而
北直抵通灣將三千里之血脉精神聯絡呼應則
意外之風塵不聳舟中之敵國潛消漕卒即有欲
作孽者曷敢奮螳臂以當車轍及至回空仍令押
之而南過江赴次如此一年而漕可靖矣匪直漕
也從茲瀕河百姓可免肱篋焚廬水上客航不至
喪身失命所操者約所全者大臣非敢多事也非

敢多言也坐火抱冰苦思極慮揣摩事勢不得不
然正為惟嚴始足以生威惟法始足以遏亂敬擬
搜幫行法二議另繕一疏恭呈聖覽臣謹會同總
督漕撫戶部右侍郎朱大典合詞具請伏祈勅下
該部確議速覆全漕幸甚生民幸甚臣等可勝激
切待命之至

具列搜幫行法二議疏

為具列搜幫行法二議伏候聖裁事夫所謂搜幫
者何也蓋幫必搜而後漕可靖也夾帶私貨累贅

稽遲固矣而其中又有搭載之奸商焉盈箱積艙
什百千萬居奇漏稅莫可誰何猶未也又有掛幫
之強人焉一船或至二三十幫或至二三千是
皆亡命兇徒踪跡詭密而漕艘遂為逋逃藪故敢
行稱亂者皆此曹為之也猶未也又有火藥炮銃
刀鎗弓矢一切行兇之具焉藉口禦暴竟以為暴
結隊扎營兇同賊寇故膽粗氣雄者皆此物為之
也是必細搜一番絲毫不貸斯淨船真米安帖流
行臣搜幫之議約畧如此夫所謂行法者何也蓋

法必行而後幫可覈也未搜貨先搜人除每船旗
水十二名外有多一人者即係掛幫先行捆打後
問端的倘得真情立刻正法旗甲主截罪在不赦
邇而運官必當痛懲輕則笞重則革邇而把總亦
復如是既搜人復搜貨夾帶私物拋置河干奸商
詭寄盡藉充餉仍衡貨之多寡以定罪之重輕旗
甲運官一體論治至火藥刀鎗等件但有一件立
寘之法此干係尤大決不可姑息者夫漕軍需也
應以軍法從事舊制設漕運總兵意在斯乎臣行

法之議約畧如此然此皆總漕將領之事臣文吏也又小臣也不敢過而問焉奔走催饋是其職掌仰祈皇上之威靈惟奉簡書為斧鉞耳臣可勝悚惕待命之至

叅湖廣廬河汝州等處漕糧完欠疏

為開兌開幫一刻難緩而全省全府隻字不聞特摘直陳仰祈聖斷併續糾怠玩州縣以飭漕務事竊以漕務維艱楚漕尤費料理其道途之遠邈官旗之頑悍幫次之參差不待言矣乃至今日而督

糧者管糧者監糧者竟絕不報完則大可異焉憶
自臣受事以迄於今已隔歲矣飛檄亦已屢矣時
日及矣期限迫矣而楚之漕糧完欠若干猶如也
將謂路遠夫臣之檄既可以徃彼之揭亦可以來
撥之於共事則不近人情責之以急公則罔聞國
憲况天下容有報完而未必完者矣未有全然不
報而徑自完焉者也茲事理之易見者也此外則
廬州府可異焉廬州一府所屬八州縣額設漕糧
共一萬二千三百五十二石乃其完欠若干杳無一

字相報猶之乎湖廣也此外則河南府汝州尤可
異焉計河汝額糧十萬石有餘抵全豫三分之一
臣去歲查糧小灘見其止完一萬有餘未完者整
整九萬不勝悚駭爾時即據實入告乃至今而續
完多少尚欠多少並無一字相聞即明旨亦付之
高閣矣此非伏嚴綸以警之恐濃睡不醒而誤漕
將有不可勝言者伏懇勅下各撫按堦底合盤清
察速奏明著其不報之根因實核其不完之緣故
當必有昭然不容掩飾者矣至若邳州知州曲文

光宿遷縣知縣李可標獲嘉縣知縣閔係賢
知縣藍雲蛟皆真頑異嘗報完無日內藍雲蛟已
奉旨從重議處竟悠悠自若此歷見于淮安府知
府王昌時衛輝府推官吳兆璽兗州府推官李恪
之揭報鑿鑿不爽者臣草疏甫完復據東昌府推
官沈應明揭報高唐州知州雷祚糧米纔完十分
之一斯何時也而完僅止此所當一併嚴懲以飭
漕務者也臣可勝迫切待命之至

認罪疏

為惶恐認罪事臣旅泊京口料理漕務於正月三十日接邸報見戴澳疏中指及臣名又發及臣書臣實愧且懼不敢不歸命投誠泥首待斥因思沈迅原未嘗迫臣使請而臣輒自以其意謬為之請臣幾累迅臣愧甚臣與澳交不甚深而頗有文字之雅小東尺牘何止數四不意以朋儕猥語遂至仰汚睿覽斯則臣之所大懼也伏念臣官為執法而乃為人所指名至發及私書臣至此而實難於解說矣上何以對君父下何以見朋友內何以問

寸心臣即至愚尚知人間有羞耻事伏乞皇上立
賜斥革以為人臣不慎交遊者之戒併使碌碌微
生不至羞死則聖明寬大之恩與覆載等矣臣不
勝悚惶哀懇之至緣係惶恐認罪事理未敢擅便
為此具本專差承差趙椿齋捧謹具奏聞伏候勅
旨

請急催漕員疏

為漕事正在關心漕員偏不湊手特據實籲請以
救急難事頃見大計報該漕儲道右叅議沈胤芳

以不及察處即以江西糧儲道右叅議田用坤填
補仰見皇上之留神漕務者如此其殷也旋接江
西暫管糧儲道事南昌府同知謝宗份揭帖謂去
歲之抄道臣偶病不痊兩臺暫委署掌印務臣一
見此語心竊憂之又據漕儲道中軍高棟面稟謂
舊道臣沈胤芳已從楚中歸里所有勅印胤芳封
付中軍收貯而新道臣田用坤過瓜州不曾到任
併迎接官吏一人不見徑鼓柁去矣臣至此益加
憂焦幾廢食寢夫漕事何等重大目前何等促迫

為山九仞一刻千金而最要最緊之官乃虛懸無
著廢時失事駭目驚心伏乞明綸督其急還歸棹
力疾視事或慮其病狀果真即當立刻更換此目
下第一急務臣曷敢苟且因仍為茲不顧面情直
截入告更思漕員之乏未有甚於此時者也舉吳
下浙中以及江廣全漕之大命繫焉乃人官寥落
若有若無即新絰推補而赴任無期幸浙江糧道
路進雖已察處而仍舊拮据毅然以終事自任臣
手書慰勉謂其有首尾堪付託若湖廣帶管糧道

副使周鳳岐以代庖為本業盡心料理不遺餘力
從去冬至今日皆其一手營綜合無俾之即真以
襄楚局併勅蘓松常鎮新糧道黃鳴俊江西新糧
道曾化龍作速抵任及常鎮兵糧道急為議補是
皆不容一日待者臣謹會同總督漕撫戶部右侍
郎朱大典合詞上請臣等可勝激切待命之至

乞專委道臣督餉疏

為王食義不敢緩糧道勢難得無伏乞勅下該部
酌議專委以便僭押以圖迅速事竊惟白糧為上

供急需關係何等重大所宜緊頂漕幫聯絡抵通而不可一毫參差者也無奈有司積玩每視白糧為緩着縱併力嚴催米見響應值今漕艘連檣而進乃白糧片帆未睹去歲之尾後滯閣敲冰拽挽前轍昭然實堪駭懼然有司之於漕白二糧敢於分別緩急者亦自有說夫漕糧之急也一則憚於糧儲道之憲體親切一則迫於監兌官之風力嚴緊若白糧則異是矣在糧儲道視為別局而總部官皆屬佐貳及責之漕儲道復勢難兩顧况今歲

舊漕儲已虞新漕儲又病分理漕事舉眼無人而
白糧尤屬可慮者昔奉明旨責成該道固職守所
宜但漕幫一開糧道隨押之而去誰復炤管白糧
是以漕糧日進一日白糧日緩一日極重難返窮
變且通臣熟籌之白糧惟蘇松常嘉湖五府耳五
府接壤而蘇松常鎮則有三道焉竊惟四府之事
一道可以暫攝除糧儲道不可一步離漕宜於二
兵脩道中委一員統五府之白糧俾其專督而通
蓋疆界非遙備催極便併總協部官偶於憲紀

蹙而趨誰敢不前法似無有出於此者抑臣更有
慮焉往者裝運白糧皆係吳船巨艦狀若樓船十
九屬豪有力之包攬半載白糧半載私貨不惟重
舟難於運旋抑且漏稅有虧國課甫望臨清便須
另覓脚船盤剥遷延坐費時日此積弊也不若限
以止裝五六百石以下之小舟任便自雇不許豪
強把持法紀畫然較為輕快臣因籌備白糧敢併
及之謹會同總督漕撫戶部右侍郎朱大典合詞
具題伏乞勅部議覆就近簡委庶責成專一儉押

有人而自糧可完矣臣等可勝企仰待命之至

叅回空私載客貨疏

為回空私載客貨阻壓稽漕盤卸充餉仰祈聖鑒
以策新運事竊惟明例准漕船量帶土宜假軍旗
以自贍之資恩最渥法最善也乃小人放利無所
不為即至廻舟之日猶興市販之謀盡情攬載任
意遷延視兌運為離局以貿易為本業貪玩至此
按以漕法乃斷不容少寬者臣於崇禎十二年十
一月二十五日督餉回空悉已過淮竊以為各船

回空頗蚤赴次庶免可先乃行至維揚據江西把
總蔣國光報稱江都縣東石人頭地方有該總下
撫州所旗甲羅述關空船滯閣橫攔河中後船咸
被稽阻及查滿船盡是醃猪梨棗係攬裝客人周
懋貨物載重舟膠停阻多日隨令聽用指揮潘萬
里同國光將客貨盤卸上岸立趕空船前去復行
江都縣查勘據該縣知縣歐陽烝回報客人周懋
已聞風先遁所有醃猪紅黑棗梨諸貨物法應及
時變價臣即着該縣照依時值變賣價銀一千一

百零一兩一錢三分七釐四毫五絲貯庫充餉及
至渡江復有淮水下江總下邳州鎮江等衛旗甲
王國生于揚李鼎舉等回空船隻停泊瓜州京口
二關或自置私貨或包攬客貨去水次咫尺而抗
違不赴當行丹徒縣知縣鄭一岳及巡捕官阮士
奇溝儲道中軍高棟將私貨盤卸上岸立趕空船
前去所有客豆蔴餅綿花諸貨物即着該縣照依
時價變賣價銀五百零三兩一錢七分八釐貯庫
充餉合前項共計銀一千六百零四兩三錢一分

五釐四毫五絲謹據實題報伏乞勅下該部着江
都丹徒二縣各照原數起解赴部充餉以為私載
誤漕之戒併充河海涓滴之資抑臣因是而有感
焉人情嗜利藐法頑鈍驕恣至漕卒極矣回空如
此重運當何如南下如此北上當何如即創一警
百懲前愆後然而極重難返寔繁有徒臣前具搜
幫行法二議耿耿隱憂粗具條理業荷明旨勅部
看議速奏乃為司農駁盡併夾帶火器凶器一條
亦從抹撥言而不中臣滋愧矣臣前又有救敝貴

在維新一疏亦荷明旨下部看議速奏乃兵部至今不覆從事失時可為浩嘆臣因回空私載敢併議及之仰祈聖明裁鑒施行臣可勝惶懼待命之至

請勘武城縣令疏

為河臣有案未了縣令一勘即明謹直述所聞期完欽件事奉都察院勘劄准工部咨都水司案呈崇禎十二年十月十二日奉本部送工科抄出總理
題為特糾貪玩縣令以肅河政

事等因奉聖旨高雲漢貪玩誤工着革了職該總
巡官提問具奏該部知道欽此欽遵抄部送司奉
此案呈到部移咨到院劄行到臣奉此該臣遵旨
即行東昌道勘審回報以憑覆覈去後經今未據
回報適奉都察院催劄到臣臣至此允兩奉堂劄
矣事已經年局當速結

稱病抽身回

園是樂有始無終已將往事置之夢外然此係欽
件臣不敢浮游也因憶去冬銜命南馳舟次故城
忽聞岸上大聲疾呼似有奇苦異痛急於暴白者

詢之知為武城百姓為其知縣鳴冤絡繹不絕直至武城泊舟處所士民紛馳奔走夾岸叫哭水波為沸臣鵠立鵠首以兩言喻之謂既有所聞必當入告萬衆雷行而散因存其連名保狀凡二十餘紙盡付東昌道收貯以脩參考當日情形真實如此萬耳萬目共見共聞臣謹直述於皇上之前一字不敢隱一語不敢溢此時惟求勅下本處撫按據寔勘閱作速奏聞凜之以天地鬼神質之以良心公道則水落石出直截了當此事不期明而自

明此案不期結而自結矣伏祈聖明裁決施行

乞就便銓補漕儲道疏

為漕事彌殷需人更切敢祈就便銓補以濟急務
事竊惟漕儲一道為諸糧道之樞紐各把總之筦
轄綜理漕務與臣寔共肩足所不可一日少者况
時值重艘連檣北上凡催後兌督尾幫查船額驗
河流過淮及洪飭漕魚白種種諸務俱萃於漕儲
之一身乃舊道臣沈胤芳業經察取新道臣田用
坤病篤還鄉懸缺三月間其無人臣展轉焦思統

亡昏且理可通變不禁迫陳適見鎮江府知府程
峴自趨覲四任總漕臣朱大典從國計起見為官
求人移文會臣委其代管漕儲道印務臣不覺犁
然當心乃因是而更有良圖焉念程峴新舉卓異
治行為二千石冠舊官南職方厥有成績自蒞任
京口以來歷俸又兩年矣夫京口為漕運要衝其
艱會機且了比而全漕思已過半程峴以冰雪之
聰明風雷之才力不憚勞苦備極精詳蓋肯繁熟
常已經歲月指掌游刃恢乎有餘但與其委之擯

篆而代庖越俎曷若仰之即真而直下承當况見
在京口朝受命而夕受事有直截痛快於此者乎
倘舍此而別有擬議非是生手即在遠慮恐不能
如程峻之最當而最便者矣臣身在局中艤舟待
濟再不容遲一着再不容緩一刻望之追求之懇
知之真計之決遂忘其冒昧數衽陳詞謹會同總
督漕撫戶部右侍郎朱大典具題請旨伏乞聖明
裁鑒施行

叅濟寧印河官員疏

為特叅濟寧印河官員以肅漕務事臣前押重運
過濟濟寧兵備道葉重華迎臣於南陽相見之頃
即致慨濟寧無官謂正官久缺而署印者又痿痺
不靈臣心識其言及抵濟寧而署州事州同嘗慥
來見詢之以河務茫如也臃腫支離如醉如夢不
惟不能其官抑且不可為人矣乃至管河衛官都
浮游局外止一迎一送了事任河之淺阻船之擠
塞全不見一人一騎少為調度巡察有弁如此與
無弁同目中寧復有三尺哉更可異者管河判官

王楚光乃有專責者也。此跡竟不履河干。臣按臨
通未一見行過南旺始露頭影。其平日所經營者
果何事耶。夫濟寧要地。河漕重務。而有司衛弁之
寘頑類廢若此。亦可慮矣。伏乞嚴綸勅下該部將
常隄王楚光及該衛弁嚴加處分。以振積弛。以飭
漕紀。臣可勝激切待命之至。

陳河道情形疏

為直陳河道情形。再糾泄玩。州縣仰冀明綸覈寃。
嚴處以釐河弊。併陳急着以救遲漕。事竊。炤糧船

於六月二十五日已盡數過濟矣臣力僨重運前
抵東昌聞自梁家淺以北直至甲馬營上下綿亘
三百餘里經今月餘衆艘膠澁寸步難移臣不覺
大駭急單騎直走一望果然科臣向所云兩截者
今又化而為一條矣回首渡江以來過淮過洪過
濟中間清口懸溜黃流漲淤八閘崎嶇咸賴皇上
如天之福幸而克濟乃此盈盈一衣帶坐阻不前
四顧徬徨撫膺欲絕直拈病根只是河淺要河之
淺不自今始也臣昨至油房渡口驛僅見數人在

河挑淺察其所挑之土其色堅黑皆積年老淤似
從未經鐮者以此推之而治河情狀緊可思矣臣
又憶去冬催空南下歷見河道平淺即具疏題請
大挑復覩倉臣奏議奉有分信認限實行挑濬之
旨炳日星而凜斧鉞向使當事者欽遵明旨真濬
真挑能使一律深通何至臨渴掘井帶水拖泥手
忙脚亂若此臣不知當日河臣數載之所經營今
年閏正二三等月之所料理竟銷歸何處此之不
可不推求也乃地方官之急玩亦未有過臨清等

處者如雙淺乃屬清平縣地方臣身歷其淺呼署
印博平縣知縣錢鈐問以緣故漠然不應命之急
急挑濬又不應如此庸人乃兼兩縣亦負乘甚矣
臨清州署印府同卒志謬日暮途窮乞墻登壘管
河州判宋裕祚純縹乳臭學語未成此輩寧復知
河渠為何事夫臨清何等重地不謂官員狼狽猶
之乎濟寧也其最怠玩者莫若故城縣知縣之苟
求興德州衛寧印指揮之陳天印是所當劾部嚴
加處分者也再紹目前救急惟有起剝一着總河

臣張國維招集籲請剥船亦鱗次而集隨淺分派
日夜督發顧一壺千金多多益善臣案察河西務
關併土石二壩俱有額設剥船此時悉閑泊以待
曷若暫借南發以充剥淺之用即隨漕北上仍舊
供剥不相妨而相濟誠莫有便於此者伏乞天語
叮嚀速令悉發南下是又轉遲而速之一大機括
矣臣草疏甫畢忽報河水頓長尺餘是臨清副總
兵黃胤恩節宣馬蹕南旺諸湖水養全力而注之
漕者臣不勝踴躍即遵河僨閱見邪許緯軌之狀

約可計日過臨臣謹同在事諸臣馳驅催饋夜以
繼日然猶不敢恃也仍須盡集剝船庶乎緩急應
手至于尾幫之漕全幫之白一淤清口艍關多時
遂至隔越今白糧已盡數過洪矣尾幫之湖廣糧
道副使張一鳳把總王步雲上江把總陳謨亦漸
次抵濟容臣專疏另報外臣仍多方接濟盡力維
輓萬不敢盡為兩局緣彙疏糾陳字多溢額仰祈
聖明鑒宥臣可勝惶懼待命之至

饋運難前請罪疏

約僨運難前過臨太晚請治臣罪以嚴職掌事竊
炤糧船於六月二十五日盡數過濟至今整四十
日矣除前幫已經北上外其餘各幫在臨清守候
日久臣觸目驚心即具疏入告猶喜河水忽長數
日內僨過一千餘艘幸過臨當在指顧間不意
河水陡落依然舊痕老淺立現新淺又生處處淺
時時淺向一船一剝即行今一船兩剝猶滯極力
拮据通晝夜僅過數十隻祇緣逼近臨清如王家
淺半壁店以至油房皆號極淺就中王家淺尤與

閘口相近乃唇齒咽喉之地而淺更難言此處阻
塞則頂閘者如何得進日今尚有二十餘船鱗次
輻輳於閘以外而無繇飛渡所以久抵臨而不能
過臨者為是故也臣為此懼督同諸糧道畢力營
漕如二幫之黃鳴俊則住半壁店三幫之魯化龍
則住油房四幫之王龍震則住王家淺昏旦河千
統忘寢食各把總俱派有信地刻刻責成至幫內
有觀望延捱不起剥不直前者無分官旗立挈捆
打臣又往來馳驟於臨之南北如戴家灣鄭家口

等處船重即剥船住即懲已智盡能索而無如河
之淺何也臣目擊如此光景倘隱匿不報欺孰甚
焉謹據實奏聞雖曰河淺太甚濟運為難然而臣
司饋者也催督不前是誰之罪職掌所關不敢自
恕伏乞聖斷嚴加處分以肅漕紀或念運局未竣
姑暫容臣戴罪饋催勉竣斯役是又皇恩之浩蕩
而不敢期必者也臣可勝惶懼待命之至

河臣宜急本務疏

為河臣宜急本務微臣願効良箴瀝臆披誠仰祈

聖鑒事從來運事惟以河事為權衡河之淺深而
運之遲速係焉其間道司印河各有責任而提挈
綱領導達血脉者則總河臣也即如今年臨清迤
帶河道實不忍言向使五六月之間先事豫圖斷
不至是即不然而當群艘膠集之時為河臣者破
的應機肯動沿河額金若干廣集夫役多方鼓舞
遍派淺處併力齊挑不旬日而事濟矣再佐之以
欄輓之以剝復何淺能阻乃河臣不思先着止爭
未截所以日夜奔馳心力俱瘁受從來河臣所未

有之辛苦而究無裨于淺無解于遲此段公案昭
然明白臣所以謂河臣宜急本務也伏念臣與河
臣向在京口一見莫逆彼此肝腸如雪以許國相
期以古人相待今日不惜苦口者正為知己効切
磋耳蓋運務所關事體重大在君父前遂不復計
朋友也抑臣猶有慮焉目今臨清閘口露囤甚多
祇緣地方官為苟且權宜之術止顧眼下推船出
門竟不思此堆積者之踈虞可慮損壞可惜也伏
乞勅下該地方官作速剝去令歸母船是又釐漕

裕國之一急着矣臣可勝激切待命之至

報開湖濟運疏

為開湖濟運恭疏馳報以慰聖懷事臣因過濟以北運道淺阻宵旦徬徨寢食俱廢忽於本月十二日午時接科臣張元始手書云目前急着惟急開馬蹕湖櫃口放水北流等因臣發寤於心投袂而起立刻邀工部主事楊之易並轡而馳直至馬蹕湖口一望清波渺茫真堪濟運兩臣皆謂開之便惟有管湖老人白守住者營湖為窟惜水如金喋

喋利口悍不顧漕臣謹按漕法細打八十棍姑留
其身以候正法一時豪胥猾吏實繁有徒素與老
人表裏為奸以水櫃為家笥者咸咋舌豎毛而退
臣遂偕工司決計開湖纔一招呼千指畢集畚鍤
如雲俄頃間湖水湧出其勢較河水高二尺有餘
口面寬一丈六尺滔滔激激未及一夜而滿漕洋
溢矣臣於次日辰刻復躬閱之再加脩濬仍嚴飭
汝上縣管河主簿蔡國縉細細搜湖不許一毫欺
隱如有一毫欺隱罪與老人同科又委原任濟寧

州管河判官任則榮專董之務使湖盡歸漕以濟
急用夫當大旱極涸之際忽獲此水允續命之神
膏也何止濟北臨南刻期利涉即德津間所沾灌
注當亦不淺矣是役也科臣發議建謀總河臣提
綱挈領工司卓有主張臣恪遵卑騎沿河察勘務
使漕水不涸糧艘銜尾而進違延指叅重慶之明
旨踴躍馳驅僨催倍力庶冀免於涸曠而已伏乞
聖鑒施行

察報運艘的耗疏

為欽奉明旨嚴察運艘的耗恭疏馳報事臣方僭
運過臨拮据河干嚴驅剝淺飛輓前進於九月初
一日接邸報該總督倉場臣李遇知疏題遵旨察
奏等因奉聖旨去剝之說原屬不諳即着馮元颺
一面防護一面儻催沿河接濟剝運不得回津誤
事天氣漸寒凍期不遠乃蘇松等道共押四千餘
艘尚未有的耗如此怠玩漕事何賴通着巡漕臣
遵旨炤限嚴察星催速奏該部知道欽此欽遵臣
即日舍舟而陸沿河一帶嚴加巡察極力鞭催於

本月初四日抵泊頭察得蘓常糧道黃鳴俊督押
二幫前去已久復據該道回報稱所押糧船自鎮
海衛前幫指揮楊世階起至南昌衛前幫指揮李
嘉徵止共計一千一百七十隻於八月二十八日
俱盡抵天津衛尾轉北河前進又察得江西糧道
曾化龍督押三幫尾催已過東光縣復據該道回
報稱所押糧船自杭州衛指揮蕭大聲起至處州
衛指揮柴光茂止共計一千一百三十九隻前船
已轉衛北上尾船俱盡過東光縣又察得浙江糧

道王龍震所押四幫糧船自湖州所千戶蘇明偉
起至長淮衛後幫指揮張拱宸止共計一千一百
三十隻前船已抵東光縣後船尚在武城縣需剝
前進所有五幫糧船自安慶衛指揮方久乾起至
尾幫黃州衛千戶唐堯天止共計十百零七隻該
湖廣糧道張一鳳管押察得已於八月二十八日
盡過臨清矣前船僨越見抵油房前進後船尚在
半壁店王家淺等處急需起剝此蘇松等處各幫
之的耗也臣不敢一字欺飾謹據實馳報目下所

最急者無過剥船臣遍搜齊驅一擁而去凡係重
艘盡行起剥迎頭兜底竭壓前來萬不敢片刻少
弛致厯聖慮至最後趕幫蘄黃等衛零艘連新安
一衛共計二百四十餘隻并白糧全幫尚阻柳林
壩南鞭長不及正在躊躇臣於前月二十八日在
臨清會總河臣張國維於舟次披赤相商言極諄
切國維慨然一力承當即星馳南旺而去凡開湖
集剥設兵防護諸所以接濟催儼之法具有條理
言之鑿鑿於以督率漕儲道余鷗翔及湖廣把總

王步雲上江把總陳謨迅發前驅決不敢稽遲阻
凍此河臣當下直任者所有遵旨炤限臣先已嚴
檄各糧道確酌認去俟回報到日謹另疏回奏臣
更有請焉天津撫臣李繼貞題請預截漕糧二十
萬石奉有不必拘定尾幫之旨臣細繹明綸淵融
特至此時或以十萬儘先至者而截之其餘一半
截在趕幫既不拘泥又不偏倚在海運無虞不繼
在漕艘可保萬全臣愚見管窺固遵旨察奏敢併
及之緣彙奏字多溢額伏乞聖明鑒宥裁奪施行

遵旨認限疏

為欽遵明旨認限奏報事臣謹凜認限先已嚴檄各糧道去訪即未見回報然竭蹶河干往返察攷歷歷在眼目九月初五日在泊頭拜疏後即馳滄州青縣將沿河剥船塊底搜獲嚴催南蒺先是牛布屯大淺前後隔斷科臣張元始多集軍夫竝立河干督令挑挖凡三日夜得通行無礙臣從北仍馳至半壁店力䟽底滯而何家墳土龍頭潘家堤草市桑園石人圈等處舊淺新淺層見疊出險阻

經筵莫此為甚賴德州營制將張守箴慷慨急公
遠有調度臣率之糾集夫役加給工銀勞以犒賞
併命竭力旬有餘日而河泓始通於是臣將所擁
之剥船每一重艘即給一剥或再加一剥至剥船
之重者又從而剥之大小相銜絡繹而進所有五
幫後船向之阻滯臨清以北者於九月二十七日
已盡過德州訖科臣極力鞭驅計數日內可轉津
矣此臣所不待各糧道回報而的確自認者是外
尚有趕幫與白糧前日河臣張國維與臣面訂一

力承當先往濟寧開壩接濟料理迅發而今歲漕
儲一道所經營者止白糧耳尾後饋押夙奉明旨
即河臣道臣力足辦此臣曷敢一刻即安今拜疏
畢即領有餘不盡之剥船星馳而南將趕幫漕船
尅期前來萬不敢誤併督漕儲道尾押白糧兼程
飛進俟抵津另疏題報再昭臨清露固踈虞可慮
地方官震懾嚴綸不敢不勉兼北來諸剥應手據
東昌道王公弼報稱九月二十二日起完俱已淨
盡北上訖併此奏聞伏祈聖鑒施行

再報認限疏

為欽遵明旨認限奏報事臣於九月二十七日將
尾幫糧船盡攢過德州拜疏畢即星夜南馳遍諸
開座直抵張秋將趕幫并白糧兜底擁來所有趕
幫漕船已於十月十六日盡過武城訖過德抵津
屈指可俟惟是白糧緊接趕幫即宜立時出關而
奸詐糧解李韓萬吳順貞華昌瑞湯啓龔乾表姓
等首倡邪說煽亂運務紛紛告擾挈定主意寄囑
臨清一步不肯前進臣為之髮指即按漕取法其

渠魁捆打遊幫又將協部官重笞之衆心始惕安
念始消凡鞭驅三晝夜乃於二十日盡教山臨清
口開依序而行臣仍覲面叮嚀漕儲道余鷗翔刻
限隨漕抵津不許一船落後況白糧原有自丁字
沽車裝抵壩之例倘中途寄囤實非所宜務循往
例星速搬運抵壩早登天庾仍祈勅部將總協部
官從重議處以驚泄玩併糧解李韓萬等正法臣
卽尾催趕幫飛輓前來遵炤明旨收囤容抵津另
具報伏乞聖鑒施行臣可勝悚惕待命之至

報漕白糧米抵通疏

為欽遵勅諭恭報漕白糧米盡抵通州事先該科
臣張元始催回津漕米抵通外臣鞭催趕幫復督
同漕儲道右叅議余鷗翔尾催白糧於三月十四
日盡過務關矣務關以北河道多淺時苦逆風然
一遇停閣臣即檄舟督令抗淺務使片帆不停少
有遲延即立挈重懲不令片刻少緩漕白銜尾晝
夜兼行於三月二十三日盡抵通州訖竊紹是役
也河流枯澁乃從來所未經魚之大旱奇荒飢民

群盜耽耽惟糧米是視沿河半為豺虎之林寄國
時切風鶴之警今得抵通幸免踈虞惟皇上威靈
是賴而沿河將吏如天津總兵馬熿德州副總兵
張守箴通州副總兵曹存性以至把總伯之禎守
備郭文煥皆竭力防護不敢暇逸若臣之精已盡
於漕矣左股不仁難移寸步髮鬚皓白腰臂支離
靜言思之遂為清時廢物身窮命薄伏枕涕零容
臣島跡乞骸以明勿欺伏乞聖鑒施行

柴白糧解戶奸詐疏

白糧解戶奸詐情形仰祈聖斷勅法正罪
以盡漕弊以肅上供事臣在通州繕疏造冊忽於
三月三十日接楊村通判朱璉稟稱漕務隆重卑
職時刻縈心本月二十六日從通州奔回誠恐歲
歉人奸零船殿後沿河諦察不擬二十七早到務
關有長洲縣解戶凌文糧船三隻灣插空剥船中
當時察出立看前行差快手劉文舉押赴通州事
干糧務理合稟報職一閱不覺為之氣結髮指慨
然嘆曰糧解玩法至此使非朱通判急公摘伏則

此三船白糧將不可問之水濱矣因念職自天津
屏催以來為白糧逕回逗遛大費驅策整整耽閣
十日每從空剝叢中搜出白船不一而足揆之朱
通判稟稱先後相合又憶職在臨清白幫倡為邪
說淪亂漕務職痛繩以法立刻入告奉聖旨知道
了這所叅總協部官俱着察職名從重議處糧解
李韓萬等仍着盧世淮嚴加責懲其白糧車袋抵
壩該部覆議即奏欽此是白幫肝肺久在聖明洞
鑒中矣職更細察糧解凡係作奸行詐者俱詭摺

生員夫此等生員豈尚可目之為生員哉不過籍
學宮撒潑射利雖名秀才其實光棍因而涉江逾
河以舟楫為舖櫃沿途盜賣到處拖人而真正糧
戶殷厚老實者一任其包攬科派敲骨吸髓受害
無窮人而無良公私俱困矣又憶寄園桑園安陵
日職親在護視甚駭聽聞白紵內豪華放蕩之輩
俱號曰相公貂帽戔衣逍遙河上如狂如醉大賭
大嫖夫其酒食遊戲相徵逐者何一非盜耗王食
而恣其逸欲也哉如此匪類實繁有徒就中劉有

虞喬維垣王彥容其渠魁也然職衙門實有不才承差如丁可全王于芳馬準崔應迪者咸與若輩互相交結夥詐夥分深可痛恨或已經發覺或懼罪身逝或見在監禁職嫉惡如仇法行自近為此據實上聞伏祈聖斷勅下法司將劉有虞喬維垣王彥容凌文丁可全王于芳馬準崔應迪等嚴究痛懲舉白幫積弊從根而洗庶玉食之大典增光而真正殷厚老實糧戶並受其福矣緣察陳字頗溢額伏乞聖明鑒宥職可勝激切待命之至

告病疏

為臣責難辭臣病已廢伏懇皇恩俯容休致事臣
最駑劣恭承皇上拔列西臺俾僨運務蓋不世之
遭逢也乃臣有心無力欲速轉運遂致稽延至此
悚惶跼蹐無以自容仰荷聖明寬大不加誅殛特
令察明議處生施肉骨恩同再造倘能報効肝腦
可塗無奈臣賦命奇薄坐廢清時言之有足涕者
憶臣去歲七月二十一日舟次張秋忽聞前幫糧
船從梁家淺至甲馬營綿亘三百餘里如同膠釘

不覺心膽墮地即一日夜馳至臨清搥胸瞪目痛
哭河干似萬箭攢心不能堪忍因茲得一心疼之
病日日呻吟日日催儻直上直下忽北忽南深夜
清曉無時不護心從事日止一食嗜糜而已飲食
既減血氣大耗左股漸漸麻木爾時雖跛矣猶能
履也直至長至拜賀乃伏不能興從此必藉人扶
掖始步醫藥百方罔効延捱至今歲二月間從桑
園趨滄州遂如槁木之枝奄奄床褥寸步難移矣
又臣年五十四歲而鬚髮竟無一茎黑者頃直背

曲支離潦倒儼似八十老人昨過天津迄通州撫
臣李繼貞科臣張元始倉臣李遇知皆過臣榻前
勞苦相視歎息學臣吳履中適較士在通考事畢
亦過臣榻前相視學臣與臣同年同門誼均兄弟
見臣衰白病廢淒然淚下臣為之一慟幾絕自傷
患中陰陽將填溝壑即欲致身而不能致也丹詔
臣抱病日久矣前此片言不敢道及正以漕事方
幾恐臣一言病將懈通漕之氣彼一時也國計極
重身計極輕故始猶力疾繼則恐苑勉強竭蹶期

於竣事今漕白二糧俱過壩矣為此乃敢叩懇皇
慈憐垂斃之犬馬而予以惟益俾生還里門得正
丘首不至為潞水遊魂即入地有餘榮矣臣可勝
哀鳴悲懇之至

繳勅印疏

為恭謝天恩進繳勅諭事先該臣奏為臣責難辭
臣病已廢伏懇皇恩俯容休致事等因奉聖旨該
部知道欽此該吏部題覆於崇禎十四年五月初
九日奉聖旨盧世淮准四籍調理俟病痊起用欽

此欽遵臣病不能起謹伏枕叩頭伏思臣戴罪議處重病垂危仰荷天慈准歸調理從此藥餌扶持招逐魂魄稍開一日便是百年浩蕩皇恩洽於心髓臣因之而重有感也念臣實至愚極陋然頗亦勇往直前鄰國具有微忱而撫躬得此拙病每一念至泣下霑襟犬馬驅馳矢盟來世而已所有崇禎十二年十月初六日臣欽奉勅諭差往瓜儀等處催督本年糧運欽遵即親詣前項地方嚴催各總運官督令旗軍駕船并催總協部官督令糧解

輓輸俱已陸續抵壩訖事竣復命緣臣病危駐卧
通州所有原奉勅諭合應進繳臣可勝感泣眷戀
之至

尊水園集畧卷之六

德州盧世淮德水著 受教李源星來輯

趙其星仲啓

讀杜私言

大凡 凡十一條

論五言古詩

論七言古詩

論五言律詩

論七言律詩

論五七言排律

論五七言絕句

論摘錄